

皇帝萬福天下蒙恩十方玉童玉女侍衛香
煙傳奏所言逕御
太上无極道前

右出明真經

次作奉戒頌一首

道為无心宗 一切作福田 立功无定主
本願各由人 虛已應衆生 注心莫不均
大聖弘至教 亦由雨降天 高陵靡不周
常卑故成淵 海為百川王 是能合龍麟
萬劫保智用 豈但在厥年 奉戒不暫虧
世世善結緣 精思念大乘 會當體道真

右出仙公請問經

次出道場密祝法

玄上太陰八窻開明向有所啓少女通靈事

畢復位萬神潛享

右出金錄經

无上秘要卷之三十七

无上秘要卷之三十八

投洞神三皇儀品

設壇法

次設壇宿露壇縱廣三丈二尺亦可二丈四
尺高下廣狹隨人多少作之開三門天皇門
在子地皇門在申人皇門在寅各施牌題之

欄纂燈火以意消息出入當從人皇門行也

右出靈寶齋經

三皇鎮坐法

天皇鎮坐綵皂繒一十八

地皇鎮坐綵白繒一十六

人皇鎮坐綵青繒一十六

右出靈寶齋經

三皇本命信

本命隨年數天子用疋數公侯用丈數庶人
用尺數三坐亦爾天子用紫綾自用銷隨
方色悉置人皇案上金龍三枚庶人用金環

右出靈寶齋經

三皇法信

信用白絹四百尺貧者四十尺其鎮坐本命

及信三種若有功行貧窮不堪辦者可隨分
量力為之不可以此為准

右出靈寶齋經

次入壇燒香發爐法

香煙之女王白皇君小兆真人姓名甲清齋

絕塵期靈五通上願成真滅禍生福上昇三

天

右出靈寶齋經

次北向再拜天皇真君

次向西南再拜地皇真君

次向東北再拜人皇真君

次以所受經首二尺舒之於案上俱再拜第

子在西面東伏師西面長跪稱位號

三洞弟子小兆真人姓名甲上啓

太上元君仙都大神三皇真君今欲授某郡

縣鄉里某甲等三皇寶文未知可否伏地須

告命便伏一時頃无風便起再拜弟子又伏

地師長跪讀盟文

太歲某乙某月某朔某日某乙某郡縣鄉里

清信弟子某甲年若干歲今詣師某嶽先生

姓名甲受三皇內天文大字并及束符齋
信如法約以長生丹水為盟畫一為信某甲
授道不得隱真出偽某甲受道當承師之盟
誓不得不孝不仁不忠不良貪淫兇勃妄傳
非其人欲師怨道口是心非得道之後背叛

本師誇訕真正當身受大殃延及子孫

次共喻丹水以朱筆共畫一於盟文之下

次弟子對信伏地師執經長跪

存思三宮神存思三宮各有一真人如嬰兒
之狀不著衣口吐紫炁以熏經師徒眾

次傳經詠

太上之天文傳說天地初皇人宣玄旨是為

至真書賢者今奉受志願昇太虛

右出太極隱法經

次弟子長跪受經訖禮師拜訖師徒各再
拜

三皇君訖

次詠陽誦三首三周

青角陽誦咒 飄飄激十方 青青方世耀
携我造九重 西絃抗音調 感悟東皇公

元洞啓運首 始陽萌萬牙 和風振瓊條

高林曜雲羅 勾芒勸農業 日羽煥東霞

仙賢遊玄圃 飛梵起鳴笳

控景太霞室 齊輪九天庭 眾仙抗飛梵

陽誦時時鳴 自非靈人德 焉能禮化員

右出洞神經

次還仙官法

太上靈寶无上三洞弟子某徽先生某甲等

上啓

虛无自然元始天尊元極大道太上道君高

上玉皇已得道大聖眾至真諸君大人三十

二天帝玉虛上帝玉帝大帝東華南極西靈

北真玄都玉京金闕七寶玄臺紫微上宮靈

寶至真明皇道君某等宿命因緣生值道化

玄真啓拔得入信根先師盟授三寶神經供

養尊禮立功為先以某月某日謹與某等傳

經行道建齋直燒香懺謝今傳授事畢所

請天仙地仙飛仙真人神人聖人監齋直事

侍者金童散華玉女五帝直符傳言奏事飛

龍騎吏等監臨齋所營衛勤勞各隨功受賞

進品上秩後諸天位謹上啓聞

右出明真經

次復爐法

香煙之女王上白皇君小兆真人姓名甲清齋

絕塵期靈五道上願成真滅禍生福上昇三

天

次遊誦一首而出

學仙行為急 奉誠制情心 虛夷正炁居

仙聖自相尋 若不信法言 胡為棲山林

右出消魔經

无上秘要卷之三十八